



**Totivs Ivris Canonici Compendivm, Siue, Brevis Svmma In
Qvinque Libros Decretalivm Sacri Concilii Tridentini
Decretis Accommodata**

In Qva Ivris Canonici Primæ Institutviones, seu Elementa ita traduntur, vt plurima breuiter ac decisiuè explicentur, & Canonum, Glossarum, ac Doctorum receptorum auctoritate communiuntur ...

Axel, Johannes Honorius van

Coloniae Agrippinae, 1656

De baptismo & eius effectu. Titulus XXXXII.

[urn:nbn:de:hbz:466:1-61552](https://nbn-resolving.org/urn:nbn:de:hbz:466:1-61552)

sunt, gloss. in c. 1. in verb. persoluat hoc tit. diebus dominicis & in festis pentecostes genua ad orationem non flectuntur, sed stantes ad orationem vota reddimus, cap. quoniam de consecr. dist. 3.

25 Omnes Ecclesie † tenentur celebrare missarum solemnias, & psallere horas iuxta missale & breuiarium Romana, illis exceptis, quæ ab ipsa prima institutione approbata, vel consuetudine quæ ducentos annos excedat, alijs certis breuiarijs missali vsas fuisse constiterit, quibus Pius Papa V. ius in veteratum celebrandi & psallendi non adimit, sed eisdem si Romana magis placuerit, dummodo episcopus & vniuersum capitulum in eo consentiant, vt in choro psallere & celebrare iuxta breuiarium & missale Romana possint permittit, Pius V. in lit. apost. praxix breuiario, & missali Rom. quibus etiam receptis prohibita approbatione & licentia sedis apostolicæ iuxta decretum sacro congregationis rituum factum die octava Aprilis 1628. licebit in civitate & diocesi retinere & seruire festa particularia, jam olim ab episcopis cum Consilio clerici & consensu populi instituta, c. conquestus de ferijs, etiam in lætanijs eorum nomina ascribere, & in commemorationibus, confessione, communi mentionem facere, sed proprium huiusmodi festorum est accommodandum ad normam breuiarij Romani, & correctæ videntur iura statuentia quod ad celebranda divina officia, ordinem quem Metropolitanæ tenent, comprouinciales eorum obseruare debeant, cap. altara 1. de consecr. dist. 1. cap. de ijs & cap. seq. 12. dist. cap. institutio missarum de consecr. dist. 2.

☉(o)☉

De baptismo & eius effectu.

Titulus XXXXII.

SUMMARIA.

- 1 Baptismus est fundamentum omnium sacramentorum sine quo nemo saluari potest.
- 2 De non baptisatis quantum ad spiritualem pœnam ecclesia non iudicat.
- 3 Quantum ad corporales pœnas ecclesia iudicat de eis qui foris sunt.
- 4 Est triplex fluminis, in quo necessaria sunt verbum Ego te baptizo in nomine Patris Filij & Spiritus sancti, & elementum aquæ.
- 5 Paruulis in eo dimittitur originale peccatum.
- 6 Adultis baptismo consentientibus originale & actuale.
- 7 Sed non liberat à pœna delicti in præiudicium rei publicæ vel privati, nemo potest seipsum baptizare.
- 8 Si probabiliter dubitetur an quis sit baptisatus quid iuris est.
- 9 Fluminis baptismus est spiritus sancti qui inuisibiliter baptizat cor interius, prodest adultis tantum.
- 10 Sanguinis baptismus est quando quis occiditur pro fide christiana & prodest tam adultis quam parulis.

SUBIICITVR hic titulus, quia baptismus est fundamentum † omnium sacramentorum, c. 1. & fin. de presb. non baptiz. vide sess. 7. de baptis. & est sacramentum necessarium, sine quo nemo saluari potest, c. firmissime de consecr. dist. 4. c. maiores hoc tit. de non baptizatis † quantum ad spiritualem pœnam ecclesia non iudicat, quia non potest eos

Ooooo 2 excom-

excommunicare, nam qui in ecclesia non sunt ab ecclesia separari non possunt, c. *omnis christianas xi. quest. 3.* quantum ad ¶ corporales pœnas ecclesia iudicat de iis qui foris sunt, cum enim peccant, possunt verberari, vel alio modo corporaliter mulitari de præcepto Episcopi, c. *sape 28. quest. 1. c. in archiepiscopatu de raptor. c. constituit 17. qu. 4.* & alia etiam pœna puniri, c. *post miserabilem de usur.* Triplex est: fluminis ¶ de quo loquitur hic titulus in quo necessaria sunt verbum, *Ego te baptizo in nomine Patris & Filii & Spiritus sancti, c. 1. hoc tit.* & elementum aquæ, c. *non ut apponeres hoc tit.* si utrumque præmissorum aut eorum alterum omittitur, non est verus baptismus, gloss. & DD. in d. c. *non ut apponeres.* prodest parvulis & adultis, parvulis ¶ in eo dimittitur originale peccatum, adultis baptismo ¶ consentientibus originale & actuale, quia Deus qui totum hominem salvum fecit, opus imperfecti non agnoscit, & ob hæc peccata nō ex parte sed ex toto dimittit, c. *maiores §. verum & §. seq. hoc tit.* quoad ipsum Deum, sed Baptismus ¶ non liberat quoad pœnam delicti in præiudicium Reipublicæ vel privati, gl. fin. in cap. *gaudemus & ibi Can. de divor. Dec. in c. quia diligentia num. 14. & 15. & Can. de elect. Zab. in Clem. 1. §. sane in 14. quest. de usur.* nemo potest seipsum baptizare etiam instante necessitatis periculo quia Christus non à seipso sed à Ioanne fuit baptizatus, c. *debitum hoc tit.* in dubio natus Christianis parentibus, & inter christianos fideliter conversatus præsumitur baptizatus, c. *fin. in fin. de presb. non baptiz.* & si probabiliter dubitatur ¶ an quis sit baptizatus, baptizatur his verbis præmissis si baptizatus es non te baptizo, sed si nondum baptizatus es, Ego te baptizo in nomine patris & c. c. 2. hoc tit. quia non debet reiterari si quo-

libet modo formam baptismatis acceperit, c. *bi de quibus de consecr. dist. 1. c. à quodam & c. si qui & ec. seqq. de consecr. dist. 4.* si forma ecclesiæ non fuerit servata, non est baptismus, ideoque reiterari potest, c. *si quis confugerit 1. q. 1.* Baptismus ¶ flaminis est Spiritus sancti, qui invisibiliter baptizat cor interiorius, c. 2. de presb. non baptiz. c. *debitum hoc tit.* prodest adultis sive doli capacibus tantum, qui in charitate & fide Christiana decesserunt, non prodest parvulis, quia cum ipsi non sentiant, non habent Christianam fidem, nec charitatem, latro in Cruce baptizatus fuit isto baptismo flaminis propter fidem quam habuit in Christo, c. *baptismi vicem de consecr. dist. 4. c. fin. de pœnit. dist. 7. in princ.* Baptismus ¶ sanguinis est quando quis occiditur pro fide Christiana, & iste prodest tam adultis, quam parvulis, ex quo nō contempserunt baptismum flaminis exempli ponitur in sanctis Innocentibus & aliis quibusdam martyribus, c. *baptismi vicem de consecr. dist. 4. & ibi gloss. in verb. baptismus c. Carthagenorum de consecr. dist. 4. gl. 1. in c. non ut apponeres, & ibi Can. h. t. Pan. in c. 2. post gl. in verb. ab originali de presb. non baptiz.* quia Baptismus invisibiliter ministratur, quem non contemptus sed terminus necessitatis, aut probabilis ignorantia excludit, c. 2. de presb. non baptiz. c. *firmissime 15. q. 1.*

De presbytero non baptizato.

Titulus XXXXIII.

SVMMARIA

- 1 Non baptizatus promotus ad ordines non recipit ordinis characterem.
- 2 Presbyter non baptizatus celebrans non conficit sacramentum durante errore confersa